

四庫全書

史部

欽定四庫全書

元經卷四

隋 王通 撰

唐 薛收 傳

宋 阮逸 註

經晉成帝咸和元年春帝正月帝卽位二月丁亥赦改
元夏四月汝南人執內史祖濟叛甲子僕射攸卒六月
徐州刺史劉遐卒秋七月江州刺史應詹薨九月蜀人
寇涪陵冬十月汝南王祐薨封魏後勵南頓馬氏伏誅

十一月壬子大閱於南郊趙將聰寇壽陽不克十二月
劉閼叛於趙梁王翹薨

傳曰成帝諱衍字世根明帝長子也去年閏八月卽

皇帝位今年正月始書卽位者春秋所謂正始也大

赦改元咸和循常制也

按元帝卽位大赦改元建武自此以至明帝卽位大赦改

元永為典制矣

四月汝南人執內史祖濟小之也言且與衆

同叛爾

按春秋僖五年晉人執虞公書晉人執虞公罪虞且言易也十九年邾人執鄆子用之杜

預云凡諸侯稱人以執者如民為辭也經書晉侯執曹伯者不及其民也則是汝南人執祖濟叛于趙者

人衆 叛也 鄧攸字伯道襄陽人永嘉時為河東太守陷於

石勒逃歸元帝時為吳郡太守入拜侍中久之遷尚

書右僕射卒書官嘉良吏也

按鄧攸事具良吏傳十二人

劉遐字

正長廣平易陽人冀方比之張飛關羽間道歸元帝

授以節度討周撫有功徙臨懷太守王敦之亂遐自

彭城赴京師平王含封泉陵公遷徐州刺史至日卒

誌功臣也應詹字思遠南頓人也魏侍中璩之孫也

以學藝文章稱王澄為荊州時詹督南平天門武陵

三郡事聞洛陽傾覆詹攘袂流涕勸澄赴援乃為檄
詞義壯烈見者慷慨澄不能從闕上元帝假節以詹

為建武將軍上疏陳便宜曰先王設官使君有常尊
臣有定分下至亡秦罷侯置守綱紀廢弛漢興猶雜
建侯守后參古跡今大荒之後朝廷改創宜因斯先
舉元功以為封首又曰元康以來賤經尚道以玄虛
為夷達以儒術為鄙俗永嘉之弊未必不由此也今
雖有儒官教養未備宜修辟雍崇明教義先令國子

授訓然後皇儲親臨釋奠如此則普天尚德率土知
方矣平王敦詹為前鋒以功封觀陽縣侯都督江州
上疏曰夫欲用天下之智力者莫若使天下信之也
昔冀缺有功胥臣蒙先茅之賞子玉軍敗子文受薦
賈之責漢宣帝時二千石有居職修明者入為公卿
其不稱職免官還為平人懲勸必行歷世長久中間
遷不足勸免不足懼以此責成未見其可王敦新平
人情未安詹撫而懷之莫不歡心疾篤與陶侃書曰

神州未夷四方多難足下宜務建洪範雖休勿休書
薨者詹贈儀同三司且褒名臣也九月蜀李雄張龍
寇涪陵執太守謝俊書蜀者賊衆也汝南王祐文成
王亮之子祐字永猷元帝渡江襲封汝南王謚曰威
書薨得其終也曹勵者魏武帝之孫也去年詔三恪
二王應立其後者以聞至是封勵陳留王以繼魏後
書得禮也

按晉武受魏禪與封陳留王故今曹勵襲與之舊封

南頓王宗有罪

宗西陽王羨之弟也與兄羨俱過江明帝踐祚宗與

虞盾皆為帝所親昵委以禁旅連結輕俠恃宗盛至
是怨望形於辭色御史中丞鍾推劾宗謀反庾亮使
收宗宗以兵距戰為亮兵所殺詔貶為馬氏書曰南
頓不稱王貶也稱伏誅國討之文也王子大閱王導
策不廢武備也春秋桓六年秋八月壬午大閱簡車
馬皆於農隙講事不軌不物則為亂政故有國家者
不可廢閱禮也

謂明年蘇峻反賴王導有武備張本

石勒使其將石聰

攻壽陽不克言祖約保壽陽足以拒聰也

前年石生屯洛陽祖

約為有備也故豫州刺史史退保壽陽言趙不克劉閻為濟岵太守殺內史夏

侯嘉叛歸石勒不書殺內史以叛罪大也

叛逆罪大不書殺也

梁王彤無子以武陵王澹子禧為嗣是為懷王沒於

石勒懷王子翹自石氏歸國得立是為聲王經書薨

貴宗室也

經咸和二年春帝正月秀才龐貴起義兵攻李雄三月

益州地震五月甲申朔日有蝕之秋七月冬十月劉曜

掠河南地十一月祖約蘇峻反司馬流帥師與峻戰死

之廣陵郝鑒帥師赴京師

傳曰寧州秀才龐貴起義兵攻雄將任回不克不稱
將書秀才嘉之也益州地震本志謂蘇峻作亂之兆

按咸和二年二月江陵地震三月益州地震四月豫
州地震江陵即應峻之亂益州即應蜀主李雄發太
子立弟班召
亂之萌也甲申日蝕本志曰在井井主酒食中饋

女主之象明年皇太后憂崩之應也劉楨者何曜之
子也初曜伐涼州張茂稱藩于曜為石勒所敗茂復
攻曜掠春州使枹罕護軍辛宴等與曜子楨相持七

十餘日肩濟師逼枹罕

闕

敗之遂畧河南地言劉石

相攻將亡之漸也

按劉曜既克張茂後議廢長子熙而立少子肩濟泣曰慈父之於子

也當存鳴鵲之仁何可替熙而立臣請死
以明赤心乃止後與石勒戰敗被擒國乃滅矣 十一

月豫州刺史祖約歷陽太守

闕

西平將軍不預明帝顧命遂懷怨望蘇

闕

永嘉之亂百姓流亡推峻為安集將軍

闕

封邵陵公自有銳卒萬人潜有異志

闕

徵峻為大司農峻疑亮害已乃潜結祖約以討亮為

名書反以祖約為首貶世卿也

祖約以邀功受關與蘇峻不同而

為亂實首惡故先書而貶之

十二月峻兵入姑熟詔左將軍司馬

流戰賊於慈湖流敗死之罪在庾亮也

庾亮闕遣用

戰是亮失策也

却鑒鎮廣陵聞蘇峻反鑒司馬劉

闕

人宿衛京都又設壇刑白馬大誓曰賊臣祖約

闕

不恭天命不畏王誅制脅幽王拔木塞源率

闕

兆庶泣血咸

闕

奉辭伐罪以除元惡昔戎

闕

桓糾明董卓凌漢群后致討義存君親古今

闕

我同盟戮力一心以救社稷書廣陵重其外

闕

鑒本傳曰明帝初卽位王敦專制内外危

闕

鑒為外援由是拜安西將軍都督揚州諸軍

經咸和三年春帝正月將軍溫嶠帥師救京

闕

潯

陽二月庚戌六軍與峻戰於西陵王師敗績

闕

庾亮

出奔潯陽丁巳峻嶠詔以祖約為中書令

闕

皇太后

庾氏憂崩夏四月趙人攻宛王國叛

闕

壬申葬明

穆皇后五月乙未帝遷石頭太守虞潭

闕

庾冰王舒起

義兵于三吳丙午將軍陶侃溫嶠

闕

魏該率舟師于

蔡州六月賊攻宣城殺內史桓彝闕壬辰廬江太守毛

寶攻賊合肥拔之八月劉曜石季龍戰于高堠九月司

徒王導奔白石闕

白闕

月蜀將張龍寇闕

石闕

之

傳曰闕

過信為次此周之闕

速闕

速師老費財兵未有闕

次所以闕

次潯陽者王愆期陶侃闕

合勢討峻闕

溫嶠遣王愆期鄧嶽紀穆三帥為前鋒

闕

鍾雅趙胤三帥次之丁未峻自橫江濟

闕

壺督六軍與峻戰於西陵王師敗績峻攻

闕

師又敗下壺羊曼周導陶瞻皆死之壺不

闕

其死也

按卞壺字望之濟陰人有名譽闕司闕
爵元帝召為從事累遷尚書令峻反闕

軍將軍與峻戰敗發背瘡未合力疾而戰遂闕
子瞻肝見父沒相隨赴賊同時見害妻裴氏闕

尸哭曰父為忠臣子為孝子
夫何恨乎數將惟壺為著

庾亮為蘇峻敗

闕

門外亮走乘小船而奔携三弟惔脩翼投江

闕

與其推陶侃為盟主侃尤相稱勸不書官貶

闕

貶曰亮以舅氏專朝政作遺詔褒大臣而陶侃不在

其列是以蘇峻與約舉兵誅亮失於先見

闕

按亮本傳云南頓王宗謀廢亮執政殺宗又廢蒯盛使元者又先帝保傳天下以亮剪削宗室者宗之黨也與宗俱誅咸和間亡奔蘇峻峻道微舉朝皆謂不可亮不聽宜峻與祖約反稱亮故經貶之以戒專政也
失業祖約自平王敦以進鎮西將

闕

陽為北境藩

扞蘇峻舉兵遂推約為太尉

闕

亮峻敗約奔

石勒

按祖約本傳云奔石勒勒人約之禍反大飲醉逆殺百餘皆滅盡

書矯詔為中

書令譏亮召亂也皇太后宣陽門兵敗賊揮戈接於
帝坐突入侍人皆見掠奪庾氏以此憂辱而終書曰
憂崩言不得令終也南陽太守五國叛降石勒言趙
強也葬明穆皇后卽庾氏書葬得禮也帝遷于石頭
為蘇峻所逼也帝哀泣升車宮中慟哭

石頭城在建
鄴西北江灣

之虞潭者翻之孫也討張昌平陳敏皆有功累遷至
吳興太守庾冰者亮之弟也時為吳國內史王舒者
導從弟也時為會稽內史以三吳之兵拒峻將管韓

商晃等書起義嘉之也

按虞潭貌和柔而內堅明有膽決雖數統軍旅鮮有傾敗

官至侍郎年七十九度永稱素風為世所重攻賊于石頭永勲為多後入為中書監眾所歸咸稱賢相王

舒潛心學植為吳中都督陶侃百京師上舒監浙江東五郡軍事

陶侃初不預明帝

顧命深以為恨溫嶠推侃為盟主

侃子為峻所殺乃喪至侃不臨

會平北將軍魏該以師四萬次于蔡州攻石頭書次

者過信宿也三日已上必告必告其次謹師律有漸

也桓彝字茂倫漢桓榮之九世孫也補宣城內史聞

蘇峻作逆彝慷慨流涕屯涇陽是時州郡多遣使降

峻咸勸彞偽與通和彞曰吾受國厚恩義當致死安能與逆醜通問峻遣將韓晃攻彞固守經年勢孤力屈城陷為所害故書賊攻宣城殺內史猶齊豹書盜

謂逆黨不須名也

春秋同二十年盜殺衛侯之兄傳曰齊豹作不義其書為盜今韓晃

不名而書賊同也

毛寶者孰謂曰溫嶠參軍也蘇峻之亂嶠

以寶為前鋒時峻以萬斛饋祖約也寶設策力戰奪

其米約用大乏嶠嘉之上為廬江太守攻祖約東關

破合肥書拔之旌功且往逆黨也

傳云賊遣韓晃攻寶南城寶登射殺

數十人晃問曰君是毛廬江耶寶曰是晃曰君名勇何不出關寶曰君健將何不入關而退又討郭默及賊將石遇有功德

亮上為豫州刺史

劉曜及石季龍戰于高侯季龍敗

績曜遂

闕

於洛陽

謂石勒擒劉曜張本

司徒王導奔白石初導

侍帝峻

加害峻逼帝幸石頭導爭之不得峻日肆

醜言導隨路永及二子奔于白石白石即溫嶠庾亮

屯所也庾午陶侃使督護楊謙攻峻于石頭陣于白

石峻輕騎出戰墜馬遂斬之書賊衆大潰言餘黨不

能復聚矣十月蜀李雄遣將張龍冠涪陵太守趙弼

沒于賊經書蜀不稱李雄言蜀久與晉相抗猶敵國
焉曷謂稱寇曰僭亂抗正侵我不已故書寇以貶其

大過也

按雄載記云雄特第三子也雄卽位南攻漢中克涪陵遠人繼至下寬大之令降附者皆

假復除蓋州遂定

十二月石勒自率衆向洛劉曜常乘赤馬

無故蹢頓乘小馬出復飲酒斗餘至西陽門搗陣勒

兵東之大潰曜昏醉奔退墜于渠為石堪所執送于

勒書獲之執之也春秋之例凡諸侯身犯不義而惡

不及民則不稱人以執若晉侯執曹伯是也

僖二十八年春

三月丙午晉侯執曹伯又成十三年二月執曹伯歸于京師傳曰晉侯執曹伯不及其民也傳例云凡君不道於民而諸侯討執之則曰某人執某侯今勒與曜皆僭敵國而經兩

名之無曲直之辭也稱獲之因舊史文耳

按曜在位十年而敗

自元海起懷帝永嘉四年僭號至曜五世凡二十七年而滅

經咸和四年春帝正月帝在石頭二月建威長史滕含奉東興還宮弋陽王羨薨夏四月乙未始安公溫嶠薨秋七月有星孛于西北九月石勒盡滅劉氏冬十月廬山崩十二月太尉陶侃討賊郭默

傳曰帝三年五月為蘇峻遷于石頭是時雖峻已誅峻弟逸猶強盛故猶在石頭未反正也二月丙戌諸軍攻石頭建威長史滕含以銳卒擊蘇逸大敗之含

奉帝幸溫嶠舟中書乘輿還宮正也

按溫嶠傳云滕含抱天子乘入

嶠舟中群臣頓首

弋陽王兼者汝南王亮之第三子也

亮宣帝第

四子母伏太后

元帝渡江累遷至太保明帝寢疾兼與王導

同受顧命依安平獻王浮故事設床帳於殿上咸和初坐弟南頓王宗免官降為弋陽王至是蘇峻作亂

義述其勲峻既平賜死不書伏誅諱也曷諱爾曰義
偽辭卑遜苟免一死之禍其實非附峻也若王莽之

世楊

闕

其情固焉伏誅國除刑太過矣

君子哀之故舊書曰死猶言自死不稱誅不與其誅
也溫嶠字太真博學能屬文初為劉琨參軍元帝立
嶠累遷至太子庶子明帝朝拜侍中參綜機密轉中
書令王敦入輔嶠知敦不軌謬為設敬總其府事干
說密謀以附其欲補丹陽尹敦構逆嶠請為備及平

敦有功代應詹為江州刺史鎮武昌間蘇峻有變嶠
屯潯陽率舟師赴難推陶侃同盟戎卒六萬旌旗百
里直至石頭嶠創建行廟設壇塲書天地祖宗親讀
祝文聲氣激揚流涕被面三軍莫能仰視賊平封始
安郡公還武昌未旬日以齒疾中風而卒年四十二
書薨貴之也帝母書追贈侍中謚曰忠武初葬豫章
朝廷追其勲德作大墓於元明二陵之
北有星孛于西北本志謂犯斗二十三日占曰有兵
亂九月石勒盡滅劉氏石勒與劉曜之子肩戰執其

偽太子熙及盾等三千餘人皆殺之

闕

族九千餘人來襄國劉氏自永嘉四年僭立至曜三世凡二十七年而滅春秋勝國通以滅為文若楚

闕

夔晉師秋齊師滅萊之類是稱名者即衛侯燬滅邢是也經書石勒名之劉曜氏之何也

闕

貶勒以強滅

人之國不以義也古之滅國猶存其嗣以嗣其先周滅紂封微子於宋是也今勒殺劉熙盾及王公三千餘人故書曰盡滅劉氏貶其酷甚也廬山崩本志云

柴桑西地崖崩九江刺史災也陶侃討郭默默為右將軍殺江州刺史劉楨不書官貶賊也

經咸和五年春帝正月詔除諸將任子夏五月太尉陶侃擒郭默斬之六月初稅田畝三升秋八月石勒僭皇帝位九月造新宮繕苑城

傳曰自蘇峻反後諸將多以子為質謂之保任至是王導慮郭默之不可制乃詔除任子之法郭默河內懷人也永嘉之亂默率衆自為塢主累遷至潁川太

守誅蘇峻遷為右將軍被徵過潯陽潯陽劉盾鎖默

酒二器肫一頭默投之水中矯詔襲盾殺之太尉陶

侃聞之曰此必詐也圖之數重斬之傳首京師按郭默傳

陶侃惜默驍勇欲活得之而默將宋侯等恐為侃見殺故不時出降而縛默求功卽斬于軍門同黨死者

四十人馬初稅田畝三升亦什一也案本志云成帝始度

百姓田取十分之一而畝稅米三升焉按元帝詔闕千石長史人

多少為殿最非宿衛皆赴農使軍各自佃作卽以票至成帝時將軍應詹上表曰古人言飢寒闕至

庾不能使野無寇盜也貧富兼并雖臯陶不能使闕也宜簡流人興復農官依魏故事闕年二

關

東濟倉廩可計矣

公

石勒之僭久矣至是李龍及張

賓等一百二十九人上疏畧曰物望去劉氏威懷于

明公者十九焉請以劉備在蜀魏王在鄴故事以大

單于鎮撫百蠻勒乃卽皇帝位九月造新宮自蘇峻

後始復宮室也繕治苑城增固舊制春秋凡興造有

書不時國有非常則不然安王室設國備雖不時亦

無譏爾

按春秋書新作延廡新作廟門皆書不時例曰啟塞從時云耳元經則不然以安帝室廣

城固制也

經咸和六年春帝正月趙將劉徵復寇婁縣司空郗鑒
都督吳國二月詔段遼為驃騎將軍五月壬戌朔日有
蝕之詔舉賢良直言之士夏四月旱秋七月蜀將李壽
復侵陰平

傳曰去年趙石勒遣劉徵來寇南沙進入海虞至是
劉徵又寇婁縣故書復寇言勒恃強不已也郗鑒先
出為會稽內史至是加都督浙東五郡軍事備賊劉
徵也段遼者何單于匹殫之後陸眷之孫也自晉衰

數據遼西之地其地西盡幽州東界遼水遙命為驃
騎通我好也三月壬戌日有蝕之本志謂帝年已長
每幸司徒第見王導夫人如子弟之禮以人君而敬
人臣之妻有虧君德之象也李壽蜀主之族子也偽
漢王梁州刺史征伐屢勝開地千里侵我陰平
關
強也

經咸和七年春帝正月夏四月石勒將郭

關

秋

七月太尉陶侃收復襄陽冬十

關

新宮

傳曰先是西中郎將趙弘及司徒中郎匡術

闕

勒之馬頭塢勒將韓雍寇我南沙及海虞至是郭

闕

陷襄陽侃遣其子斌及南中郎將桓宣攻破之

闕

樊城竟陵太守李陽拔新野襄陽經獨書侃勤王之

師為治

闕

帝居新宮詣行在所

闕

經咸和八年春帝正月詔舉力士

能舉一千五百斤

丙寅蜀將

李壽陷寧州癸酉張公庭為鎮西大將軍丙子詔焚石勒之賂夏四月以來帛徵處士五月乙未遼東公卒六

月將軍王舒卒秋七月趙石勒死子弘嗣其將石聰來降冬十月石季龍滅石明石生無傳十二月將郭權來降

無傳石生

傳曰詔舉力士不忘武備古之道也李壽攻我寧州圍之百餘日遂陷凡師被圍無救曰陷且言蜀寇強也張公庭者何涼州張軌之子駿也建興中敦煌計吏耿訪到長安遇賊因渡江太興二年至建業上書以州未知中興遣使願為鄉導屬連有國難未果至

是以訪為治書御史拜駿鎮西大將軍駿受上稱臣而不奉正朔猶稱建興二十九年書字不名

闕

之也石勒遣使致賂詔焚之責其與我抗禮也翟湯字道深潯陽人廉潔不屑世事庾亮薦之徵為博士不起虞喜字仲寧會稽餘姚人太寧中與臨海任旭俱徵不就至是年太常華恒舉喜為賢良下

闕

翟湯虞喜並守道清正不營世務雖徵命而不屈豈素絲難染而搜引之禮簡乎政道須賢宜納諸廊廟

並以散騎常侍徵之不起書曰處士以道自處也慕
容龐鮮卑大單于咸和五年加龐侍中開府儀同三
司龐與陶侃箋曰舊都不守奄為虜庭深惟文武之
士過荷朝榮不能滅中原之寇刷天下之恥君侯植
根江陽發曜荆甸仗葉公之權有包胥之忠而白公
伍負殆得極其暴竊為丘明恥之今吳士英賢比肩
而不輔翼聖王討逆暴之羯檄命舊都之士招懷存
本之人豈不若因風振槁塙坂走輪哉楚漢輕重惟

在君侯若悉五州之衆據兗豫之都則羯寇必滅
在一方無由自發故遠陳牋言不宣侃等議請封
為燕王朝議未定而庾卒其第三子玠嗣位為平
州刺史督攝部內書遼東公卒嘉其欲附也王舒
孰謂曰導從弟也隨元帝渡江累遷至撫軍討蘇
峻逆黨韓晃有功封彭澤侯謚曰穆經書官褒功
也石勒自太興二年偽稱趙王至咸和五年僭號
趙帝至是卒書曰死者不與其君崩也為臣薨也
書死以其國位

不正之稱乎石聰者勒之族子與石季龍有隙遂來
奔其實奔而書降何也曰晉中國趙非列國之敵也
故書來降

經咸和九年春帝正月隕石于梁州二三月會稽地震
夏四月石季龍攻郭權陷之六月蜀李雄死姪班嗣乙
卯太尉陶侃薨江陵公陸曄卒蜀李期弑其主班十二
月石虎弑其主弘趙人朱縱來降

傳曰隕石隕星也春秋僖公十六年書隕石於宋五

今涼州張駿分野仲尼筆法誌其災異以應人君奉
天戒修新政也不為涼州言吉凶也左氏所謂陰陽
之事非吉凶所主是也地震會稽者災異及於大臣
乎是時陶侃薨之應也趙生鎮關中起兵討石季龍
為季龍所敗而生將郭權以上邽來降詔以權為秦州
刺史上邽豪族害權降季龍攻權於郿陷之書陷者
言中國之地陷于賊故也蜀李雄字仲雋特之子也
立兄蕩之子班為太子其相李驤王達皆諫曰吳王

舍其子而立其弟所以有專諸之禍宋宣不立與夷
而立穆公卒有宋督之變雄不聽竟立班焉雄生瘍
於頭而卒書曰死者國位不正非可言崩也陶侃字
士衡鄱陽人舉孝廉至洛陽遷至江夏太守討張昌
陳敏有功中興歸元帝元帝加侃奮威將軍又擊杜
弢破之為荊州刺史又討杜曾平之轉廣州刺史及
王敦反詔侃領江州敦平遷都督荆雍益梁州諸軍
事入討蘇峻之亂有功拜大將軍上表遜闕曰臣欲

為陛下西平李雄北吞石季龍良圖未遂於此長乖
以後事付右司馬王愷期與車就船明日薨於樊谿
年七十六謚曰桓書太尉薨正也陸曄字士光吳郡
人元帝以侍中皆北士宜兼用南人乃以曄清正為
侍中成帝踐祚拜開府儀同三司平蘇峻封江陵公
開年七十四卒謚曰穆書公貴之也蜀李期雄第
四子也雄既不立已子乃立兄子班於是李越不平
因雄死奔喪與期密圖之因班夜哭而越殺班於殯

宮遂立期為主經書期弑其主班而不書越罪何也
昔趙盾弑其君貶其不討賊今期及越共謀殺班期
實首故書期弑其主貶其骨肉相殘自期始也石虎
字季龍勒養子也勒既立其子弘而季龍不平乃廢
弘群臣勸季龍卽位書曰石虎弑其君弘兩名之皆
僭偽也然國位不正亦人主耳故書弑貶賊子也朱
縱者何石季龍徐州從事也殺刺史郭祥來降季龍
擊奔淮南書曰趙人微也曰來降抑僞以尊

經咸康元年春帝正月

帝始元服乃改元

二月帝親釋奠夏四

月趙虎寇歷陽命大司馬王導禦之秋八月長沙武陵

大水冬十月乙未朔日有蝕之

傳曰帝親釋奠書始也始元服乃親行禮重祀典也

逸按帝講詩釋奠于太學本志祀孔子顏回配

石季龍自率衆南伐至歷陽

臨江而旋又遣石遇圍襄陽我師屯章山救襄陽大

司馬王導總其事分遣劉峻救歷陽趙盾屯慈湖路

永戍牛渚王允之屯蕪湖却鑒使陳光衛京師王國

保襄陽經書王導禦之包諸將以畧其文也

春秋元經有詳

畧無褒貶也

長沙武陵大水二郡連災沴也乙未日蝕是

歲大旱米斛錢五百書災異甚也

公羊記異以異災也元經不然

異同書之

經咸康二年春帝正月辛巳彗星見于奎丁

闕

立皇后

杜氏庚申高麗來貢夏四月皇后見大廟

闕

揚州

會稽大饑冬十月廣州鄧岳擊夜郎新

闕

與

古並克之

興口汾陽之地

是月詔封周漢後

猶周封王後也

十一月

將軍司馬勲為蜀李壽所敗

傳曰彗掃星也史臣按彗體無光傳日為光故夕見者則東指朝見者則西指在日南北者則隨日光而指光芒所及則為災今彗見于奎十六星天之武庫也是時石虎兵強江東武備不能振之象也皇后杜氏預之曾孫也父又奕世名德故立為皇后正也

按本

傳云后長猶無齒有求婚者以此中止及帝納后而齒盡生有此異相

高麗入方物東夷航海而至也是時慕容廆稱單于於遼東與東夷

校尉崔毖有隙必與高麗伐虜為虜敗奔高麗來貢者懼慕容而欲以附中國也皇后見于太廟案嘉禮皆告於廟一曰納采二曰問名三曰納吉四曰納徵五曰請期六曰親迎皆有祝文今皇后見于廟所以明奉祭祀之本也揚州會稽二郡大饑詔開倉賑給禮也夜郎興古不奉貢既克之言歸順也詔封周漢之後其詔曰歷觀前代賓禮三恪故祀宋光于周典宋姬垂于漢策周漢之後絕而莫繼其詳求衛公山

陽公近屬有履行修明可以繼承其祀者依舊典施行十一月遣建威將軍勲安集漢中為壽所敗案春秋敗或曰某師為某師所敗其敗績一也但文有

異爾

公羊傳分為二義非也

經咸康三年春帝正月辛卯立太學夏六月旱

闕

慕

容璵立為燕王

傳曰禮始立學必釋奠於先聖先師及行事必用幣

闕

立學斯禮無聞魏正始二年使太常釋奠祠孔

開

雍元帝

闕

興皇子講論

闕

于太學今書

立太學者以明

闕

但祠孔子于中

闕

至是始別立

太學也夏六月旱傷稼則書不書大雩譏廢禮也慕

容璣者鹿第三子也盡遼左之地擊段遼破石虎乃

遣使劉祥獻捷于我自稱燕王從其好也且言璣才

兼文武不貶其為假王也

逸按載記璣雄毅多權畧通經學知天文凡行兵陣

無不勝捷璣自立為燕王乃上表於成帝曰歷觀前代皆明之主若親黨后族必有傾禍周之中伯玃稱賢舅以身藩于外不握朝權降及秦昭委信二舅幾至亂國漢武重田蚡蚡死後切齒追恨成帝暗弱外

資王舅令王莽坐取帝位設賢若穰侯殿王不聞有
二主若其不才則竇憲梁冀成敗然矣陛下舅度亮
執政輕侮邊將故蘇峻祖約不勝其憤臣與亮冰名
位殊班出處懸邈臣獨抗言者為陛下為冰計也昔
徐福陳霍氏之戒宣帝不從致令忠臣更為逆族昔
王章劉向上章未嘗不斥王氏谷永張禹依違不對
取譏後世臣被法殊俗位為上將臣若不言誰當言
者又與庾冰書曰若功就事舉必享申伯之名如或
不立將有梁竇之逆方今四海有懸倒之急闕
夏有僭逆之寇吾雖寡薄早蒙元帝列將之授一時
務農三時用武況乃王者之威豈同年而語哉冰見
書甚懼遂與何充等奏號稱燕王因其封裕上諫辭
乃下令曰百姓無田者與花園耕之貧無資者賜牛
一頭依魏晉舊法中州未平官不可減待克平凶魏
徐更議之封生深得蹇蹇王臣之體賜錢三萬立東
庠於舊官行鄉射之禮號自造大上章以代急就章

著典誡十五篇伐高麗扶餘皆克之其文武才如此

經咸康四年春帝正月二月石虎敗段遼夏四月蜀李壽弑其主期纂其位石虎為慕容皝所敗六月王導為丞相秋七月冬十月

傳曰石季龍因慕容皝稱藩請討段遼數為遼患季龍至遼敗未季龍怒皝不會軍乃伐皝皝擊敗之降段遼以歸先書石虎敗段遼後書虎為皝所敗者

石虎成文也春秋列國相伐據所赴告而書之

闕

闕

內相伐無所譏貶李壽者驥之子也矯詔廢李期為

公期縊死壽卽篡位改元稱漢興元年經書弒不書

縊貶壽篡逆也

按李雄之子皆為壽所殺

六月改司徒之官為丞

相以太傅王導為之

按本志丞相秦官自趙王倫以後非人臣之稱職太宰太傅太

保周三公名官各
屢易非正名也

經咸康五年春帝正月三月廣州刺史鄧嶽伐蜀執霍

彪夏五月征西庾亮擊巴郡獲李閔黃植秋七月丞相

文獻公王導薨辛酉何充錄尚書事八月復丞相為司

徒辛酉太尉郗鑒薨九月石虎寇沔南邾城江夏圍石
城略漢東民

闕

幽冀冬十二月瑯琊王岳為司徒

傳曰鄧嶽字伯山王導命為從事討蘇峻及郭默皆

有功遷交廣二州刺史

闕

都督寧州建寧人孟彥者

執李壽將霍彪以降歸鄧嶽故書伐蜀大中國也

按本

志分益州置
寧州統八縣

巴郡為石虎李壽交侵為患數矣亮代

陶侃都督江荆豫益雍涼六州於是遣趙松擊巴陵

江陽獲石虎將李閔黃植春秋之法得君曰滅得臣

曰獲僖元年十月壬午公子友率師敗莒師于鄆獲
莒挈傳云嘉其獲也今書亮獲虎將亦嘉之義也王
導字茂弘覽之孫也元帝為瑯琊王導奉帝渡江謂
從兄敦曰宜有以康濟者吳人紀瞻顧榮乃相率拜
於道左導乃進計以結人心躬造賀循顧榮賓禮之
及洛京傾覆導收賢人君子荆揚晏安朝野傾心矣
歷事三朝累遷至太傅薨年六十四舉哀闕
依漢博陸侯故事葬之謚曰文獻薨而書謚闕

元老中興大功非群臣所比故書謚異常典也何充
字次道王導庾亮言於帝曰何充器局方槩有萬夫
之望由是拜命為副時望故書復丞相為司徒

闕

導薨故復舊郤鑒字道微高平人躬耕隴畝以

闕

著名與千餘家避難於嶧山元帝假鑒龍驤將軍

闕

帝立王敦專政仗鑒為外援及平蘇峻詔進為司空
至太尉上疏遜位舉蔡謨薨年七十一喪事如溫嶠
故事書薨禮也石虎遣其將襲安寇汧南張貉寇邾

城皆陷之又寇江夏義

闕

我太守毛寶樊俊鄭進為

王師諱也且傷寶俊進以志死也遷民於幽冀譏時

主不能主也春秋之義有諱有譏有歸於懲惡勸善

元經亦然耳瑯琊王嶽即康帝之母弟也為司徒言

歷試也瑯琊元帝始興之國故先經始事文見此焉

謂建元元年康
帝為嗣張本

經咸康六年春正月庚子庾亮薨二月庚辰有星孛于

太微夏四月秋七月聽政于東堂

傳曰庾亮字元規明穆皇后之兄也風格峻整明帝
卽位以亮為中書監成帝立進中書令太后臨朝政
事一決於亮先朝遺詔不及陶侃祖約以此失人心
及平蘇峻王敦皆有功遷司空薨年五十二謚曰文
康書薨禮也經不
書謚星字太微本志甘氏云字彗所當
之國受其殃春秋有星字于東方不言宿者不加宿
也今加於太微者天子之庭五帝之座也闕
曰微為衡衡主平言天庭理法平也有妖字于太微天

庭各各應之故明年杜皇后崩次年帝崩之兆聽政
東堂依中興故事也元帝朔望坐東堂

經咸康七年春帝正月甲午朔日有蝕之無傳三月閏戊

杜皇后崩夏四月葬恭皇后秋八月東海王冲薨冬十
二月司空陸玩薨


傳曰杜后諱陵陽崩年二十一無子謚曰恭書葬禮
全于終也東海王冲字道讓元帝之子也帝以東海
王越無子乃以冲嗣薨年三十一陸玩字士瑤吳人

也初王敦逼以軍期溫嶠上表申理之得不坐累遷
至尚書令司空玩既拜命有人詣之索盃酒寫梁柱
間祝曰當今乏材以爾為柱石莫傾人梁棟耶玩笑
曰感卿良箴既而謂賓佐曰我為三公是天下無人
談者以謂知言玩誘納後進謙若布衣縉紳莫不蔭
其德宇薨年六十四謚曰康

經咸康八年春帝正月己未日有蝕之夏六月癸巳帝
崩于西堂年二十二葬興平陵

傳曰正月日蝕六月帝崩之應也帝少為庾氏舅族
所制及長頗留心萬幾雖無雄武之度而有恭儉之

德



元經卷四

欽定四庫全書

史部

元經卷五至七

詳校官編修

臣范來宗

洗馬臣王坦修覆勘

總校官庶吉士

臣朱

鈐

校對官侍讀

臣王家賓

謄錄監生

臣朱連傑

欽定四庫全書

元經卷五

隋 王通 撰

唐 薛收 傳

宋 阮逸 注

經東晉康帝建元元年春帝正月即位夏四月遣將伐
蜀秋七月丁巳詔桓溫北伐圖中原冬十二月石虎侵
張駿戰于河西虎兵敗績

傳曰康帝諱嶽字世同成帝母弟也初封瑯琊王庾

冰謀立長君遂詔帝為嗣及即位欲定制度年號再
興中朝故改元曰建元焉四月遣益州刺史周撫西
陽太守曹據伐蜀李壽敗之于江陽七月石虎將戴
開率衆降詔曰慕容皝摧殄羯寇是天亡之始也中
原之舉宜加籌量戴開歸順宜遣使詣安西諮謀軍
事安西張駿也以輔國將軍桓溫入臨淮庾亮為都督以
圖伐石虎冬十二月石虎恐涼州為後患張駿每遣
使渡江多為虎所獲於是伐駿為駿所敗春秋之例

敵未陣曰某敗師若莊十一年敗宋師于湑是也皆
陣曰戰大崩曰敗績若莊二十八年甲寅齊人伐衛
衛人及齊人戰衛人敗績是也或書地若僖二十二
年冬十一月宋公及楚人戰于泓宋師敗績又宣十
二年六月荀林父及楚人戰于泌楚師敗績是也

經建元二年春帝正月張駿討于闐破之二月慕容皝
及宇文歸戰于昌黎歸兵大敗奔漠北夏四月張駿敗
虎于三交城秋八月平北將軍桓宣卒衛將軍褚裒鎮

金城

闕

九月己未楊謙擊李勢戰獲其將樂高丙
申立皇太子戊戌帝崩于式乾殿塋于崇平陵

傳曰張駿西界置沙州東界置河州於姑臧築城越流
沙伐龜茲鄯善焉耆前部皆臣於駿南羗于闐不服
駿遣和驎謝艾大破之鮮卑宇文歸遣其國相莫淺
渾攻慕容皝皝不與戰渾不設備皝率騎兵擊之渾
大敗乘勝斬其將涉奕于盡俘其衆徒五萬餘部落
於昌黎改涉奕于城曰威德城行飲至之禮宇文歸

遁于漠北張駿遣將張瓘敗石虎將王擢于三交城
不書名微也桓宣譙國人累有戰功次於祖逖周訪
都督沔北前鋒軍事鎮襄陽石虎攻襄陽宣募精勇
出其不意殺退之庾翼北討以宣為司雍涼三州荆
州之南陽襄陽新野南鄉四郡軍事後為石虎將李
熙所敗發憤卒蜀李勢驕客荒淫不卹國事巴西太
守楊謙擊其將申陽走之獲其將樂高經言勢亡國
自此始也立皇子昝正嗣也戊戌帝崩至十月乙丑

葬于崇平陵崩葬並書從舊史文也

經穆帝永和元年春帝正月即位司空庾冰薨尚書令
諸葛恢卒六月癸亥地震冬十月都亭肅侯庾翼卒司
馬朱壽討于璿戴羲平之八月豫州路永出奔趙張駿
伐馬耆

傳曰穆帝諱昞字彭子康帝子也即位時二歲皇太
后褚氏臨朝攝政正月甲戌后設白紗帷於太極殿
抱帝臨軒改元庾冰字季康累以戰功遷會稽內史

初王導初喪人情洶然衆望歸冰咸曰賢相康獻皇
后臨朝徵輔政冰辭以疾尋卒年四十九贈司空謚
忠書薨進而賢之也曷謂賢曰冰以兄亮

關

雄傑而天性清慎勤於政理家無私積世以此稱之
書三公足勸來者諸葛恢字道明瑯琊人祖縱父靚
仕吳弱冠知名過江名亞王導庾亮元帝初以恢為
主簿太興初為會稽太守政績第一累遷尚書令卒
年六十二六月地震主約陽弱盛夏陰蔽陽之象也

庾翼字稚恭少有大畧見杜乂殷浩輩語人曰此輩
束之高閣俟太平然後議其任耳謂成帝曰桓溫有
英雄之才勿以常人遇之累遷南郡太守保石城得
全翼之功多亮卒授翼都督六州軍事代亮鎮武昌

時稱才幹由是河南皆懷歸附遣使東至遼東

慕容
皝

西到涼州

張駿

要結二方欲謀大舉以滅趙平蜀為已

任言論慷慨形于詞色康帝即位翼上表北伐曰賊
虎年已六十醜類怨叛又欲決死遼東若北無掣手

之虜即江南不異遼左矣臣所以輒發良人不顧忿咎然東西形援未必齊舉且北進安陸入沔輒率南郡太守王愆期江夏相謝尚潯陽守袁真西陽守曹摅精銳三萬并平北桓宣搖蕩秦雍御以長轡用逸待勞數年興復可冀臣臨許洛竊謂桓溫可渡何充據淮泗路永進屯合肥於是發所統六州奴及車牛騾馬向襄陽有衆四萬大會僚佐陳旌甲親授弧矢曰我之行也若此射矣三起三疊徒衆屬目其氣十

倍俄疽背而卒年四十一書曰都亭肅侯嘉其武也
于瓚戴義者何庾翼部將也翼卒乃作亂翼司馬朱
燾及將軍袁真討平之永為豫州刺史庾翼既卒乃
叛歸石虎書曰出奔內闕張駿伐焉耆北接烏孫
地方四百里葱嶺以東皆服張駿遣沙州刺史楊宣
疆理西域降之得衆四萬焉

經永和二年春帝正月錄尚書事何充卒夏四月己酉
朔日有蝕之五月涼州牧張駿薨六月趙將王擢執涼

州護軍胡宣又伐金城降張冲涼將謝艾拒之趙師敗績秋七月褚裒為儀同三司冬十一月桓溫伐蜀十二月枉矢流于西北長半天

傳曰何充孰謂曰充字次道潜人也少與王導善早歷顯官王導庾亮並薦充方檠有萬夫之望由是加吏部尚書侍中庾冰兄弟以外戚權重為外物所攻說帝宜立長君成帝從之充建議曰武王不授聖弟漢景欲傳祚梁王朝臣以為不可今瑯琊即位如孺

子何康帝疾篤冰翼意在簡文充建議立太子是謂
穆帝冰翼既卒充輔幼主以褚裒者皇太后父宜綜
朝政薦裒錄尚書事凡選以忠臣為先不以私恩樹
親戚談者重之性好釋氏供沙門費巨億不吝親友
則無所施遺以此獲譏阮裕嘗戲之曰卿志大宇宙
勇邁終古充曰何故裕曰我圖數千戶郡尚未能得
卿圖作佛不亦大乎卒年五十五謚曰文穆贈司空
不書贈譏無大功而忝大位也四月己酉日蝕五月

涼州牧張駿薨駿以通好於我稱臣曰陛下天挺岐
疑堂構晉室遭家不造播幸吳楚宗廟有忝離之哀
園寢有殄廢之痛臣遐域僻陋勢極秦隴石勒李雄
既死人懷反正謂虎期之命曾不崇朝雍容江表坐
觀禍敗懷目前之安替四祖之業馳檄布告徒設空
文臣所以宵吟荒漠痛心長路者也少康中興起于
一旅光武嗣漢衆不盈百況以荆揚慄悍臣州突騎
吞噬遺孽在于掌握我在位二十二年卒四月日蝕

五月駿薨主有應天之象也是歲世子重華繼立趙
石虎遣將王擢麻秋伐金城金城太守張冲降于秋
凉州重華任謝艾為中堅將軍配步騎五千擊秋大
破之初有梟鳴于牙中艾曰梟邀也六博得梟者勝
今梟鳴牙中克敵之兆也世稱一代名將也褚裒字
季野獻后父也桓彝謂季野有皮裏春秋謝安亦重
之曰裒四時之氣備矣以后父求出江州刺史在官
清約而裒詣庾亮亮使郭璞筮之曰非人臣卦及太

后臨朝有司奏議欲加不臣之禮袁上疏固讓歸藩
進儀同三司書官譏不稱也十一月桓溫帥將軍周
撫袁喬等伐蜀拜表輒行見諸葛亮八陣圖于魚復
平沙之上壘石八行相去三丈溫曰此常山蛇勢也
文武皆莫能識為明帝溫克成都張本也枉矢流西北本志枉矢
以亂伐亂之應也

經永和三年春帝正月三月桓溫攻成都李勢降夏四
月秋九月地震冬十二月蕭敬文陷涪州取巴西通漢

中

傳曰桓溫與李勢戰于窄橋溫參軍龔護沒衆懼而鼓吏誤鳴進鼓於是進攻之勢衆大潰溫乘勝直進焚其小城勢遂夜遁至晉壽葭萌城勢面縛舁櫬溫解縛焚櫬送于京師九月地震者桓溫陰盛臣彊之兆也振威護軍蕭敬文害征虜將軍楊謙攻涪城陷之遂取巴西通漢中書蜀亂未已也

經永和四年帝正月夏五月大水秋九月燕慕容皝死

子雋嗣位冬十月石虎將苻健寇竟陵

傳曰慕容皝死在位十五年子雋僭號追謚文明皇帝雋既立即燕王位依春秋列國故事稱元年穆帝遣冊雋大單于燕王苻健者苻堅之伯也在石虎

闕

竟陵書苻氏興張本也

經永和五年春帝正月石虎僭號於鄴夏四月周撫擊范賁獲之益州平石虎死子世嗣僞立五月石遵自立秋七月褚裒次彭城遣將與石遵戰於代陂王師敗績八

月涼州人攻趙人長城戍敗之冬十月趙人攻宛執南陽太守郭啟十一月石鑒殺石遵自立十二月將軍褚裒卒

傳曰石虎字季龍勒之從子勒授與其子弘虎私曰上自都襄國以來吾躬當矢石二十餘年克定十有三州成大趙之業者我也大單于實在我而授黃吻小兒上晏駕之後不足留種也後果廢弘自立至是僭稱皇帝建元曰太寧居鄴大修宮觀弘在位十五

年死其子世嗣位為石遵所廢石遵自立偽稱王也在位凡三十日褚裒次彭城遣將王龕李邁及石遵將李農合戰執王龕殺李邁書大崩也凉人司馬攻長城戍凉仇池公楊初攻西城皆敗之凉

闕

也十月趙人石遇攻宛陷之執南陽太守郭啟而石遇亦遵族子書人微之也石鑒者遇之從弟也初篡立石冲鎮薊聞之曰世受先帝之命而遵輒殺罪逆莫大乃大舉兵親討之石鑒與石閔謀廢遵率甲士

執之于如意觀初遵與宮人彈碁見甲士至問曰反者誰也對曰義陽王鑒當立乃殺遵於琨華殿鑒即位以石閔為武德王褚裒自彭城為石遵所敗憂慨發疾而卒年四十七謚曰元穆追贈太傅不書譏常材也

經永和六年春帝正月懸而不樂閏月冉閔弑趙石鑒自立僭號魏丁丑彗星見于亢巳丑氏帥苻洪來降以為氏王三月趙故將麻秋鳩殺苻洪六月石祗及其弟琨

攻冉閔為閔將王泰所敗秋八月譙王無忌薨十二月
免蔡謨為庶人

傳曰正月元會懸而不樂以褚裒之喪也冉閔者謂
石閔也本姓冉石虎養為孫父瞻季龍子之閔力絕
人胡夏宿將皆憚之既殺石鑒羣臣上尊號僭位于
南郊改元永興國號大魏居襄國遣使臨告我曰逆
胡亂中原今已誅之若能共討者可遣軍來也朝廷
不答責其無禮也彗星見于亢占曰為兵大疫冉閔

殺胡十餘萬人中原大亂之應也氏帥者堅之祖也
洪弟健始入關其先氏羗故號氏虎既死麻秋嫉洪
故鴆殺之石祗僭號於襄國使弟琨率衆十萬代鄴
為閔將王泰所敗死者萬餘也譙王無忌者剛王遜
之孫也無忌字公壽隨桓溫伐蜀有功薨謚曰烈稱
功也按無忌傳無忌父承前為王敦所害及敦平無忌見王廙子拔刀以刃之中丞車灌奏無忌專
殺付廷尉帝曰原情可貴聽以贖論蔡謨字道明陳留考城人也累遷
侍中司徒謨謂所親曰我為司徒為後代所哂上司

徒印綬章表十餘不受帝年八歲甚倦問左右曰所

召人何以不至太后詔若不來宜罷朝中軍將軍殷

浩奏免謨為庶人

譏殷浩之專政而晉室衰矣

經永和七年春帝正月丁酉日有蝕之苻健僭號秦王

夏四月刺史司馬勲與苻健戰五丈原王師敗績五月

劉顯殺石祗劉啓來奔秋八月趙人再遇來降九月峻

陽太陽二陵崩

無傳

十一月趙姚弋仲魏統皆來降十二

月趙人周成高昌樂弘李歷相次來降

傳曰苻健洪之子也既敗王師乃僭號皇帝位不書
帝不與其僭帝也然則苻健僭王何以書曰諸侯王
人臣皆稱焉帝則天下真主稱之僭不亂真春秋之
大例也劉顯者石祗之將也祗使顯攻冉閔為閔所
敗乃密降閔請殺祗以自效於是殺祗閔懸祗首於
通衢劉啟者顯之從弟也趙充州刺史惡顯所為乃
來奔自是趙國分裂故冉遇姚弋仲魏統周成高昌
樂弘李歷皆遼戍之臣避亂來降

經永和八年春帝正月辛卯日有蝕之無傳二月峻平崇

陽二陵崩夏四月冉閔為慕容儁所滅將軍謝尚討反賊張遇王師敗績秋七月趙故將王擢請降冬十月將

軍周撫討

傳曰峻平崇陽二陵崩遣王惠如洛陽衛五陵山陵不能固皆崩有盜穴之故也去年峻陽太陽二陵崩不書盜者告不以盜故不書盜冉閔既殺石祗盡誅諸胡遣使常煒者聘于慕容儁儁使封裕詰之曰閔

息養常材負恩篡逆有何祥應僭稱大號煒封曰狼
烏紀於三王麟龍表于漢魏寡君應天御歷能無祥
乎又問曰閔鑄金為七象壞而不成奈何有天命乎
煒曰鑄形之事所未聞也左右欲殺煒僞曰兵交使
在其間赦之乃遣慕容恪伐閔固守不下恪連擊皆
勝閔奔常山追及于孤水擒閔斬之于龍城閔國亡
周制九伐之法其極曰滅言冉閔滅趙以非辜故亦
為慕容非辜滅也張遇以許昌反詔安西將軍謝尚

討之戰于許昌王師敗績苻健使其弟雄襲遇虜之

不書虜耻王師之不若

按張遇者苻健之將也初降尚尚不能綏懷之遇怒復反

而尚討之為遇所敗坐兵敗付廷尉書王師敗績實識尚云

王擢者石虎故將也

遣使來請拜秦州刺史未幾擢為苻健所逼奔于涼

州書曰請降實未降耳蕭敬文者蜀故將也永和三

年反據涪城至是周撫始斬平之冉智者孰謂閔之

子也閔既國亡智以鄴降送傳國璽其文曰受天之

命皇帝壽昌百僚稱賀未幾為其將馬願執之降慕

容恪書請降言未降于我也

經永泰九年春帝正月涼張重華遣王擢與苻雄戰擢
師敗績三月交州刺史阮敷破林邑五月張重華取秦
州八月遣河間王欽修五陵冬十月姚襄叛丁未涼張
重華薨子耀靈立是月張祚弑耀靈自立

傳曰張重華使王擢伐苻健擢既敗單騎而還重華
素服為戰亡者舉哀復授擢兵遂襲取秦州林邑國
者漢象林縣也即馬援鑄銅柱之處也其國主范文

永和三年攻陷日南殺太守至是交州刺史阮敷發
兵擊破之河間王欽者彭城元王植之子也河間王
顯無後以欽為嗣使修五陵禮也姚襄者何羗人弋
仲之子也隨來降襄叛擊殷浩敗之掠淮南有衆七
萬稱大單于走入關為苻堅所殺張重華死年二十
七立子耀靈年十歲張祚弑之自立僭號稱帝改和
平元年涼自此亂矣

經永和十年春帝正月帝臨朝周成反襲洛陽二月桓

溫伐關中廢殷浩為庶人夏四月桓溫苻萇戰于藍田
五月郭敞叛六月桓溫與苻雄戰于白鹿原王師敗績
傳曰周成者冉閔降將也自宛陵襲洛陽桓溫伐苻
健書曰關中言姚襄亦入關不止諸苻而已殷浩字
深源善玄言好老易累遷至都督徐兗揚豫青州諸
軍事桓溫素忌浩上浩罪曰案中軍殷浩侵官離局
高下在心受專征之重無雪耻之志坐自封植妄生
風塵姚襄弟入質浩不能撫用陰圖殺害生長亂階

自浩始也乃廢為庶人苻萇者何萇健之子也桓溫率衆四萬趨長安健使萇率衆五萬拒溫轉戰次于灞上萇敗退溫衆餓乃還不書敗之者譏溫無功也

按苻健載記云健聞溫來伐收麥清野以待之故溫糧盡大餓引還

經永和十一年春帝正月甲辰汝南王統薨夏四月壬申隕霜姚襄寇外黃六月秦苻健死秋七月宋混弑張祚立玄靚冬十二月慕容恪寇廣固壬戌上黨人請降傳曰四月隕霜也春秋傳云天反時為災人反德為

亂亂則妖災生正陽用事而隕霜者陰反陽也臣戾
君也本志謂庶徵常寒之罰劉向云誅罰不由君出
在下之象蓋此時桓溫專政之應姚襄者弋仲之子
既叛晉自稱大單于攻外黃為邊將高季所敗而退
六月苻健死子生嗣偽位書秦者別秦自為國也言
非晉所統矣宋混者敦煌人也與祚宗人張瓘起兵
聲言張祚無道遂殺之梟首宣示内外國人怨祚暴
咸稱萬歲衆共立耀靈弟玄靚慕容恪者皝之子暉

兄雋之子暉既僭帝位以恪叔父大功總攝朝政將
圖洛陽故兵臨廣固秦中大震苻堅親將以備潼關
恪不利而還是時桓溫初收洛邑故書寇言復晉也
廣固洛東虎牢之地上黨人馮騫自稱太守背苻生
遣使來降非歸命也姑結援耳

經永和十二年春帝正月懸而不樂將軍段龕敗慕容
二月太尉桓溫討姚襄夏四月秋七月桓溫闕

冬十月修洛陽陵

無傳

經升平元年春帝正月加元服始親政丁丑隕石于槐里一將軍段龕與慕容恪戰死之三月帝釋奠于中堂夏五月將軍謝尚卒苻堅敗姚襄斬之六月苻堅殺苻生自立苻堅將張平以并州請降

無傳逸按張平本石季龍將也石虎死平

歸慕容儁至是稱藩臣晉

傳曰帝即位時年二歲至是年十六矣加元服告於太廟始親萬機故改元隕石隕星也春秋隕石于宋五叔服曰陰陽之事非吉凶所生按本志曰星墜者

當其下有戰場慕容恪字玄恭號第四子也及暉之
世恪專總朝政秦州刺史段龕敗慕容恪至是為恪
所陷見害書死之閔忠也釋奠中堂者權為太學也
本志謂古禮立學必釋奠于先聖先師漢元帝始祠
孔子至魏使太常釋奠孔子于辟雍晉帝親釋奠于
中堂權也晉未立太學故
權以中堂祭謝尚字仁祖豫章太守鯢
之子也永和中累遷至僕射桓溫平洛陽表尚為鎮
會疾不行徵拜衛將軍卒姚襄者弋仲子也弋仲相

石祗於襄國

祗李龍嗣也

常戒諸子曰吾以晉亂而石氏

待我厚今石氏已亡中原無主自古未有戎狄作天子者我死汝即歸晉乃降至是襄入關討苻生為生所敗苻堅命斬之堅襄皆名者戎夷直書其事無所褒貶也苻堅字永固雄之子也其先戎人也祖曰洪事石季龍居鄴雄生堅及苻生嗣健偽位殘虐無度於是堅殺之自立為大秦天王書曰自立非正也皇后何氏父準散騎侍郎以名家應選禮也賜脯大赦

闕

不書非古也

言脯設老人門
可矣赦宥罪闕

賜則

冬十一月

雷災也

經升平二年春帝正月慕容儁陷冀州五月有星孛天
船秋八月將軍謝奕卒十二月卽將荀羨及慕容儁戰
于山荏王師敗績

傳曰慕容儁字宣英凱之子也永和八年僭號燕帝
至是儁盡有冀州諸郡有星孛天船本志謂彗星出
天船有謂占曰兵喪王除舊布新天船主大水外夷

交侵之象謝奕字無奕安兄也累遷至都督豫司冀并四州諸軍事書卒得常也荀羨字令則侍中崧之子也尚公主累遷徐兗監軍事救青州段蘭為慕容儁所敗書王師敗績譏羨致其敗也

經升平三年春帝正月三月甲辰詔王公戶助糧運秋七月將軍高昌奔滎陽冬十月郎將謝萬郗曇皆為慕容儁所敗交州刺史溫放之討林邑降之

無傳

傳曰比年出軍糧運不繼詔王公以下十三戶借一人

以助運譏國威也高昌者孰謂本石季龍將也石亡
稱藩于我至是為慕容所逼奔滎陽儁時中國無主
亡人奔敗書滎陽不書晉譏晉不能庇也謝萬將兵
次下蔡郗曇次高平皆敗績言慕容方強晉日削也
經升平四年春帝正月慕容儁死暉嗣位夏四月秋八
月辛丑朔日有蝕之冬十一月桓溫封南郡公

傳曰燕儁將死

闕

若行

闕

蝕在角幾既

閏

淺者

閏

淺蝕深者

閏

門人主惡之明年帝崩之兆桓溫自平姚襄後以

閏

功至是封南郡公

經升平五年春帝正月北中郎將郗曇卒廣州刺史滕

含卒

無傳

夏五月帝崩于顯陽殿立瑯琊王為帝七月葬

穆帝

傳曰郗曇字重熙司空郗鑒之後也累遷至北中郎
將都督徐兗刺史鎮下邳書官卒無譏也帝年十九

無嗣崩于顯陽殿以壽終也

以顯陽殿為正寢瑯琊崩于寢無他故也

王丕字千齡成帝長子也穆帝崩太后詔以丕即帝

位七月葬穆帝譏速也

天子七月而葬

經哀帝隆和元年春帝正月帝即位二月庾希鎮下邳
袁真鎮汝南立母周氏為皇太妃三月甲寅朔日有蝕
之丁丑浩疊山崩叛臣呂護寇洛陽戴施奔宛五月丁
巳詔庾希鄧遐救洛陽七月庾希與慕容暉戰檀丘破
之冬十月賜貧民米人五斛

傳曰哀帝於升平五年五月即位至今隆和書即位者從正始也庾希袁真並假節出二鎮防慕容暉也周氏初以選入成帝宮生哀帝帝詔有司崇為皇太妃儀服與太后同春秋之義母以子貴禮也丁丑涼州地震浩亶山崩本志曰張天錫亡之兆也

天錫明年弒立

親

呂護者冀州刺史先為慕容恪所攻退保滎陽至

是叛歸慕容暉反寇逼洛陽河南太守戴施奔宛桓溫大衆在宛也書寇盛晉襄也且言洛陽將不救也

庾希鄧遐以舟師救洛陽並書者邊政在一臣

闕

而已慕容暉將劉則及庾希將何謙戰則敗書曰破之喜賊退也賜貧民米書亢旱也

經興寧元年春二月改元三月壬寅皇太妃薨癸卯帝幸瑯琊夏五月桓溫錄尚書事癸卯慕容暉陷密城秋七月涼州張天錫弑西平公玄靚自立丁酉葬章太妃九月大司馬北伐冬十一月盜殺江州趙毗

傳曰改元大赦大赦不書譏非古也凡赦國之大權

有不得已則赦之今改元無大故而赦故不書太妃
周氏先以帝封瑯琊及帝立而尊穆帝太后故周氏
猶居瑯琊及薨帝奔喪于瑯琊非古也曷謂非古曰
天子之母當居天子之宮周氏雖避嫌太后不當猶
處瑯琊諸王之第也故經書幸瑯琊言巡幸可也天
子無外安有奔喪之文故不書奔喪禮也桓溫錄尚
書事臣強自此始乎燕慕容暉攻密城陷之滎陽太
守劉遠逃歸江陵遠不書微也

微不足書也

張天錫駿少

子玄靚之叔也玄靚冲幼性弱天錫專政大臣張欽
欲討天錫事泄伏誅天錫率衆入禁門潛害玄靚乃
自立書弒言玄靚亦國君也世受晉封爵天錫專政
篡立故書弒以貶其大惡也周太妃謚曰章丁酉書
葬禮也大司馬北伐不書名而書官者尊天子之官
抑權臣之盛也不言伐某而曰北伐者示天子之大
不以中原外之諱晉之衰故特抑司馬之官以明邦
政大四方焉故曰北伐云耳盜殺者姚襄故將張駿

焚武昌掠府藏而殺刺史也駿不書名微也趙毗書
名者舉江州為言也毗不才而為盜所殺者春秋襄
十年盜殺鄭公子駢傳曰書盜言無大夫也又昭二
十年盜殺衛公孟縶狎齊豹齊豹以戈擊公孟殺之
齊豹衛司寇不書官不書名稱盜貶不義也張駿本
寇黨也故書盜云

經興寧二年春帝正月二月慕容評襲許昌癸卯帝耕
籍田三月庚戌大閱秋七月徵桓溫入朝苻堅侵河南

傳曰慕容評者暉將也潛來襲許昌太守李福死之
侵汝南汝南太守朱斌遁于壽陽又圍陳郡太守朱
輔固守皆不書者為晉諱爾哀帝無帝王才識逼於
桓溫之手慕容氏侵中原君子不忍彰晉之衰也故
特諱不書意其欲真主挺生以興復中原乎帝耕籍
田禮也哀雖衰弱猶能務農之本是謂禮典焉農為邦本
典禮所先庚戌大閱禮也先王之制居安慮危况晉室陵
夷兵不可廢而不講焉徵桓溫者何溫既復洛陽上

疏陳便宜七事詔溫叅朝政至赭圻固讓乃鎮揚州
書曰徵桓溫入朝議也溫雖擅權于外然顯大故譏而不貶苻秦既僭
號懼慕容暉先據洛故侵河南春秋之義無鐘鼓曰
侵

經興寧三年春帝正月庚申皇后王氏崩二月桓溫冲
監六郡事丙辰帝崩于西堂瑯琊王奕嗣帝位三月壬
申葬哀帝丙午慕容恪陷洛陽

經廢帝太和元年帝正月即位二月己丑涼張天錫封

西平公三月新蔡王邈薨夏五月戊寅皇后庾氏崩將軍朱序平梁州勲冬十二月慕容暉陷魯郡

傳曰廢帝諱爽字延齡哀帝母弟也哀帝二月崩丁酉嗣皇帝位今正月始書即位者改元建正然後即位春秋舊制也張天錫以涼州稱藩故晉命之以公爵稱涼者自為一國也新蔡王邈者武哀王騰之後也騰子確確子滔滔子弼弼子邈邈薨而子晃嗣封為桓溫所廢司馬勲晉宗室濟南王遂之曾孫也咸

和中自列乃受涼州刺史及周撫卒勲反桓溫遣朱序討勲勲暴虐民心不附自潰序執送于溫溫斬之書曰梁州勲不書姓削其屬籍也十二月慕容暉遣將慕容厲陷魯郡高平

經太和二年春帝正月夏四月羅崇破慕容暉于竟陵將軍桓豁獲趙槃秋九月郗愔鎮徐州

傳曰慕容暉遣其將塵冠竟陵太守羅崇擊破之桓豁為右將軍慕容暉將趙槃戍宛詔豁擊獲之于魯

陽送京師郝愔字方回鑒子也自會稽內史遷鎮徐

充簡文所薦用也

簡文輔政薦愔受此命

經太和三年春帝正月三月丁巳日有蝕之

無傳

夏四月

大風折木秋八月尚書王述卒

傳曰大風者洪範狂常風若思之不睿是謂不聖其
極凶短折也王述王湛孫也少襲父爵累官至尚書
令書卒無足稱也

經太和四年春帝正月夏四月大司馬

闕

九月桓溫至枋頭而歸辛丑慕容

闕

於

闕

袁真叛十二月桓溫及

闕

于涂中

傳曰大司馬孰謂曰桓溫也曷謂不書桓溫周禮司

馬掌九伐之法天子任以邦政使專征不庭晉室雖

衰司馬之官天子所任也不止桓溫獨當此職

闕

之意欲天子征伐靜中原服四夷故不書溫重

闕

也桓溫至枋頭何以書曰溫糧運不繼焚舟而歸先

已失策拜政之辱故不書官特書名以示貶也溫至

枋頭既歸後軍為慕容垂所追敗于襄邑亦不書官
皆貶也袁真為豫州刺史鎮壽陽叛者怒桓溫也溫
敗于襄邑歸過於真真怒乃以壽陽降慕容暉會稽
王昱即簡文也桓溫自山陽會于涂中再謀北伐也
經太和五年春帝正月二月袁真死其子瑾嗣事四月
部將竺瑤破袁瑾秋九月益州賊李金根反梓潼太守
周虓討平之冬十月秦將王猛滅燕以慕容暉歸

傳曰袁真死其黨朱輔立其子瑾號建威將軍夏四

月桓溫遣部將竺瑶破瑾於武邱九月廣漢賊李引

與益州賊李金根反自稱聖王詔周虓

字孟威

討平之

苻堅將王猛攻壺關慕容暉遣慕容評率兵四十萬

拒王猛于潞州川評大敗縛暉歸長安書秦燕二國

關

也夷狄滅夷狄或不名非例也魯僖公二

十六年楚人滅夔以夔子歸楚夔皆稱國略之也故

不書名元經之旨以秦燕猶列國耳且明晉不能

關

經太和六年春帝正月將軍桓伊破秦將王鑒丁亥桓

溫平袁瑾三月將軍周楚卒夏四月秦苻堅滅仇池以楊纂歸十一月桓溫屯白石丁未廢帝為東海王崩于吳縣

傳曰桓伊字叔夏侍中景之子朝廷以苻堅強盛選能捍疆場者用伊為淮南太守堅使王鑒張蚝來援袁瑾伊擊王鑒敗之書曰秦將苻堅猶敵國也丁亥平袁瑾壽陽平也周楚字元孫征西訪之孫也隨父撫入蜀拜將軍捷為太守撫平朝廷以楚襲爵建成

公監涼益二州軍事世在蜀得物情司馬勲反楚討

平之又李金根賊反楚平之皆有功書官以卒世開

也

周訪與陶侃齊名時王敦終訪之世不敢謀逆撫隨桓溫平蜀有功楚孫施陷于苻堅屬元會堅因

謂施曰晉家元會何如此施厲聲曰何敢比天子

仇池楊氏其先氏人也數

世襲封仇池公至楊世者初降秦既而稱藩于晉世

死其子纂嗣位立而絕於秦世弟楊統起兵武都與

纂分爭苻堅遣將苻雅率師七萬取仇池進攻圍寧

益戰于陝中纂降雅雅送長安書歸者降歸也封纂

強川侯桓溫屯兵于白石詣闕諷太后集百官于朝
宣太后令曰瑯琊王爽以母弟入纂大位昏濁潰亂
動違禮度有此三孽莫知誰子砍樹儲藩誣罔祖宗
傾移皇基是而可忍孰不可懷今廢為東海王羣臣
拜辭莫不歔歔帝居吳縣安於屈辱沉湎終日至孝
武太元十一年崩于吳縣今年書崩者帝無過失傷
其廢也故以帝禮終之而言崩于吳縣明失所也

昭公薨于乾
侯明失所也

元經卷五

欽定四庫全書

元經卷六

隋王通撰

唐薛收傳

宋阮逸注

經簡文帝咸安元年帝正月夏四月秋七月冬十一月
桓溫分兵屯衛乙卯溫廢武陵王晞十二月初薦淶酒
於太廟

傳曰簡文帝諱昱字道萬元帝第六子也桓溫既廢

帝以太后詔迎帝於會稽邸變服巾幘受璽綬不書
即位譏之爾曰簡文自太和元年位為丞相錄尚書
事不能制桓溫之跋扈以輔幼主雖踐阼體元亦譏
其未盡善也故不書即位冬十一月帝既即位桓溫
慮有變故分兵屯衛桓溫不稱官貶其專也武陵王
晞者元帝第四子出繼武嘉王詒後遷太宰無學術
而有機幹溫素忌之溫既立簡文乃表晞謀逆收付
廷尉請誅之簡文手詔報溫曰若晉祚猶長公宜行

前詔如其大運去矣則請避賢路溫乃止奏徙新安
郡薦鄴潑於太廟者自此始故曰初薦

經咸安二年帝正月二月秦苻堅執慕容桓夏拜百濟
為樂浪太守秋七月內史周少孫討庾希平之乙未立
皇太子昌明是日帝崩于東堂

傳曰慕容桓暉之族子也暉既滅桓收合餘眾攻遼
東太守韓稠堅遣將軍朱疑擊桓執之百濟國王餘
句入貢遂拜鎮東將軍樂浪太守

樂浪玄
菟之地庾希者哀

帝降和初鎮下邳與袁真分守至太和二年有罪走入于海陵入京口逐晉陵太守卞眈秋七月遣東海內史周少孫討擒之賊平昌明孝武帝字

從舊史文也

經孝武帝寧康元年春正月帝即位二月桓溫來朝

三月癸丑除四桁稅

航音

夏五月旱七月己亥桓溫卒

八月壬子崇德太后猶攝政冬十月西平公張天錫來

貢十一月秦人陷梁益我師南遁

傳曰武皇帝諱曜字昌明簡文帝第四子也咸安二年立為皇太子簡文崩帝即位至明年正月改元寧康書即位以謹始也桓溫既立簡文也望禪位於已不副所望武帝即位詔溫入赴山陵書曰來朝外之也初溫依諸葛亮故事威勢翕赫乘輿入朝求歸姑孰窺伺神器至是詔來京師故曰來朝四桁稅者丹陽竹格等稅也除之嘉惠及民也已亥桓溫卒不書官貶之也溫自咸康而來威傾中外廢東海立簡文

有志篡奪此亂之大者卒幸免誅也去其官不書薨
為晉誅惡也崇德太后者何康帝后褚氏也父哀后
自穆帝嗣位蔡謨等奏曰漢和熹順烈並臨朝近以
明穆故事以垂先制於是居崇德宮謂之崇德太后
及桓溫廢海西公立簡文后復臨朝稱制君子曰后
妃所以治內也親外事非禮也然權宜避嫌必假母
儀之尊所以制弱命之君爾伊尹周公不挾后勢終
歸于道霍光白太后禮當尊親其實光專之可也漢

魏而下后族臨朝罕不兆亂故元經書猶有可止之
辭也然則孝武帝冲幼妃后攝政柰何曰時諸桓方
强王坦之之輩執政庸懦不能舉左袒之師討廢君
之賊雖崇德臨朝何益晉祚哉張天錫來貢方物言
中原舊統無來者惟天錫而已書公貴之也秦苻堅
遣將楊安陷梓潼梁益我師周仲孫以騎三千南遁
仲孫為寧州刺史監益州貪暴人不堪命秦楊安帥
師陷之書曰我師不言仲孫罪在晉也不任賢也致

陷全蜀不書仲孫不足稱也

經寧康二年春帝正月二月兗州刺史刁彝卒三月丙戌彗星見于氏夏五月蜀賊張育僭號蜀王為秦所滅秋九月丁丑有星孛于天市冬十一月天門蠶音但攻郡

太守王匪死之癸酉將軍桓石虔破秦姚萇于墊江無傳

傳曰刁彝字大倫少遭家難彝斬讎人祭父墓由是知名官至徐兗二州刺史假節鎮廣陵卒彗星見于氏有星孛於天市皆占曰有兵喪張育以蜀來稱藩

蜀賊言自僭非懷晉也天門蠹者蠻屬也太守死之以死守天門義之也

經寧康三年春帝正月辛亥大赦夏五月獻公王坦之

薨桓冲鎮丹徒謝安領揚州秋八月立皇后王氏冬十

月癸酉朔日有蝕之無傳十二月神獸門災無傳詔賜民米

無傳癸巳帝釋奠于東堂

傳曰大赦者以去年冬錢步射作亂朱序平之故赦

其餘黨也王坦之字文度父述興寧太和中稱為名

臣坦之襲父爵累遷至大中正簡文臨終詔坦之與謝安輔幼主遷中書令終於都督徐兗青諸軍事臨終與謝安桓冲書不及私惟憂國家之事朝野惜之稱謚書薨褒賢也丹徒控南吳揚州扼淮北故安冲分主之重外禦也立皇后王氏者王蘊女也諱法惠初帝將納后訪諸公卿僕射謝安曰昔毛嘉耻於魏朝楊駿幾傾晉室帝若納后如有父如王蘊則可按王蘊者濛之子也為吏部性平和不抑寒素為吳興太守有德望及后立蘊辭恩澤求外郡素嗜酒少醒自

然和簡為百姓所悅終於會稽
內史儀同三司子恭別有傳訪蘊女容德乃應選

釋奠之禮自魏齊王正始五年使太常釋奠祠孔子
於辟雍以顏回配享至晉成帝穆帝並以堂為太學
故曰釋奠于東堂禮也

經太元元年春帝正月加元服見太廟改元始臨朝

孝案

武冠儀依武帝故事金石宿設百僚陪位殿上鋪大床
御府奉冕幘簪太尉加幘太保加冕侍中加褻服畢羣
臣上壽三呼萬歲古禮冠皆在廟晉自武帝以來
加元服以車駕出拜于太廟以告成擬在廟之儀

夏五月癸丑地震秋九月秦陷梁州張天錫亡冬十二

月秦攻代執其主涉翼犍

傳曰自漢以來加元服皆以正月見于太廟明冠禮也書始臨朝者言太后歸政也癸丑地震陰盛極也秦陷涼州之應乎張天錫晉舊屬也秦之陷涼于是中原掃地矣天錫張駿少子也荒于聲色不恤政事人情恐懼秦苻堅遣將苻萇攻涼天錫降于秦因遂亡矣自張軌為涼州至天錫凡九世共七十六年而亡書亡以晉藩郡為辭也涉翼犍匈奴猗盧之後也

符堅遣將符洛率幽州兵十萬討代戰于弱水道陰
山其子翼捷縛父降秦堅嘗入太學召翼捷問曰漢
北人好學否翼捷對曰若不好學陛下教臣何為堅
善待之終身

經太元二年春正月二月朱序鎮襄陽夏四月秋七月
老人星見八月桓冲來朝丙辰都督六州桓豁卒壬寅
尚書簡公王彪之薨

傳曰朱序世為名將使鎮襄陽備秦也老人星見于

衰世不足為祥也桓冲者溫弟也代溫為都督江揚諸軍事鎮姑孰修臣節也都督桓豁卒豁字朗子父彝豁累有戰功遷征西開府堅陷仇池豁以梁州揚亮及益州周仲孫敗潰豁威略不振辭開府尋卒謚曰敬不書謚無功也王彪之字叔武累遷尚書僕射時豫州謝奕卒簡文問彪之欲以桓雲代之彪之曰溫居上流割天下之半若其弟處西藩權在一門人事不可豫量簡文曰君言是也簡文崩羣臣未敢立

嗣或云大司馬處分彪之正色曰君崩太子立何容
得異乃定謝安欲以太后臨朝彪之曰先代主襁褓
子母一體故可臨朝太后亦不能決終問僕與君等
今上年十歲反令從嫂臨朝豈翼戴之謂乎謝安每
言事不能決者諮王公無不得判以疾卒謚曰簡書
薨貴之也

經太元三年帝正月二月作新宮三月暴風發屋夏五

月陳留王曹恢薨

無傳

秋七月冬十月

傳曰作新宮譏也謝安欲營宮室王彪之曰中興初
帝即位東府殊為儉陋元明二帝亦不改制成帝居
蘭臺是以更營修築始合豐約之中可修補而已強
寇未殄宜休兵養士何勞擾百姓以修屋宇為能耶
終彪之世至是始作新宮故譏其困民力也暴風發
屋不思之咎厥罰常風管輅曰思心不睿常風之罰
經太元四年春帝正月二月秦苻丕陷襄陽執朱序夏
四月秦陷魏興吉挹死之五月秦陷盱眙秋九月盜殺

建安守傅湛冬十一月十二月己酉朔日有蝕之

傳曰朱序字次倫守襄陽苻丕攻陷於堅堅南伐遣
序說謝石反謂石曰堅衆百萬悉到莫可與當乃及
其未會可擊之堅大敗序得歸吉挹字祖中桓豁表
為魏興太守秦將韋鍾圍魏興挹力不能抗城陷為
賊所執挹閉口不言不食而死追贈益州刺史秦陷
盱眙執毛瑯瑯者毛寶之孫也不書瑯微其不才盜
殺傳湛春秋齊豹書盜傳例謂不義則書盜

經太元五年春帝正月乙巳謁高平陵夏四月大旱五

月大水秋九月皇后王氏崩

無傳

冬十月李遜據交州反

傳曰漢故事陵上立祭殿至魏制以謂古不墓祭自有廟設於是園邑寢殿遂廢至晉武帝每謁崇陽陵一謁高原陵逮江左元帝崩後諸公有謁陵辭告之事非洛邑之舊也褚岑后臨朝拜陵以帝幼故也高平陵簡文陵也帝自即位自此始行謁陵之禮大旱大水按春秋書災異大旱則書雩大雨則書大水李

遜九真太守也據交州反交州統七郡所以互相制也

經太元六年春帝正月沙門居殿內夏六月庚子朔日有蝕之秋七月甲午交趾杜瑗平李遜冬十有二月秦將寇竟陵冠軍石虔擊擒之

傳曰帝溺奉佛法立精舍於殿內南朝佛弊自茲始也且言政不由帝矣庚子日蝕陽德衰而夷盛之象杜瑗交趾太守也斬李遜以平交州來告秦苻堅遣

將閻震攻竟陵初詔曰石虔文武器幹御戎有方古
今絕倫金革弗避進為冠軍將軍閻震以襄陽之衆
來攻石虔拒之賊阻激水屯管城石虔設討夜渡水
賊始覺力戰大破之進克管城擒閻震書冠軍嘉之
也

經太元七年春帝正月林邑來貢夏四月秋八月癸卯
大赦傳無九月東夷五國來貢秦將掠沔北民去冬十月

丙子雷

傳曰林邑其先漢象林縣馬援鑄銅柱之地去南海三十里漢末有區功曹者自立稱王厥後外甥范熊氏代立其俗開北戶以向日人性凶悍果於戰鬪便山水不閑平地四時無雪霜人裸跣黑色其王服天冠被纓絡聽政子弟侍臣皆不得近之自孫權以來不朝中國武帝太康中曾來貢至是遣使獻方物經書來貢尊中國之舊也東夷五國者扶餘三韓肅慎倭人裨離也在玄菟東北並武帝太康曾獻方物東

晉置東夷校尉以統之秦堅遣其將都貴焚燒沔北
田穀掠襄陽百姓而去書曰掠沔北民去不言焚田
穀所重民而已民亡穀將安保乎冬雷愆陽也

經太元八年春帝正月二月黃霧四塞夏五月將軍楊
亮伐蜀擒秦將魏光秋七月將軍郭銓及秦將張崇戰
于武當敗之八月秦苻堅來寇渡淮冬十月秦將苻融
陷壽春乙亥將軍謝石謝玄謝琰桓伊及苻堅戰于淝
水堅為慕容垂所敗十一月立曹恢子靈誕為陳留王

句町王翟遼及慕容垂合兵攻洛陽仇池公楊世奔還隴右

傳曰黃霧四塞中原復亂之象也楊亮拔蜀五城苻堅將魏光為亮所擒王師復振也苻堅大舉伐江南是時桓冲率十萬人分諸將攻襄陽桓石虔攻沔北楊亮伐蜀進攻涪城郭銓攻武當堅將張崇救武當姚萇救涪城亮與崇戰敗之自是堅大怒亟自帥師南伐衆諫止不聽慕容垂潛貳於堅言於堅曰司馬

昌明以餘燼之資敢拒王命况大秦膺符陛下神武
不宜以賊虜遺子孫堅大喜率步騎二十五萬為前
鋒長安戍卒六十萬騎居其後堅至項城而諸州軍
始至咸陽幽冀兵始至彭城蜀漢兵順流而下東西
萬里水陸齊進八月堅捨大軍于項城以輕騎渡淮
至壽春見王師部陣齊整又望八公山草木皆人形
曰何謂少乎憚然有懼色及遣降人朱序往說謝石
欲脅而降之序矯私謂石曰秦百萬至則莫可敵也

乘其未集在速戰挫其前鋒可以得志從序言列陣逼淝水遣使謂秦苻融曰君懸軍深入逼水為持久之計豈欲戰乎若少退使將士周旋秦軍麾退奔不可止融馬倒被殺因茲潰敗王師乘勝追擊之堅中流矢單騎遁還淮北堅歎曰朕若聽朝臣之言豈有今日之事于是張天錫朱序徐元喜等皆歸晉焉慕容垂偽請撫燕岱反攻鄴慕容泓奔關東收鮮卑衆數千堅自此弱而晉粗安焉經書苻堅來寇言無遠

略但速寇而已初堅為慕容垂所勸令亟進諸軍皆敗獨垂全軍而反果中垂計故書曰堅為慕容垂所敗且言晉之福幸也曹靈誕者魏陳留奐之裔也明帝永寧三年詔興滅繼絕于是曹奐之後勦者魏武之孫也封陳留王至是卒以靈誕為後禮也句町王翟遼者丁零雜類也叛堅反與慕容垂兵共攻秦洛陽楊世者氐人也世為仇池稱藩于晉世死其子纂立為符堅所擒送長安至是復奔歸隴右欲復興仇

池也

經太元九年春帝正月封寶為臨川王遵為新寧王將軍劉牢之克譙城將軍桓冲降新城魏興上庸三郡二月辛巳宣城公桓冲薨夏四月巳卯增大學生百人姚萇僭稱秦王六月癸丑崇德皇太后崩秋七月高密王純之修洛陽陵巳酉苻堅及慕容冲戰于鄭西堅敗績八月司空郗愔薨九月都督謝玄克鄆城冬十月河間王曇之薨

無傳

庚午苻朗來降十二月秦將呂光竊據河

右

傳曰簡文帝淑儀顧氏生臨川王郁郁卒以武陵王
孫寶為臨川王嗣焉遵字茂遠元帝孫武陵王晞幼
子也襲封新寧王劉牢之為將軍以苻堅餘寇屯結
在譙牢之擊平譙城復淮北地也桓冲遣上庸太守
郭寶伐秦魏興上庸段方並降之新城麴常遁走三
郡皆平不書郭寶者桓冲之功也初姚萇降苻堅為
堅將妻以山南之事及堅敗歸長安萇奔渭北自稱

大單于秦王背苻堅不書以僭王罪大故書之崇德
太后褚氏崩謚康獻禮也高密王純之者獻王泰之
後也苻堅既歸秦洛陽復屬晉使純之修謁祖陵禮
也丁酉慕容冲去長安二百餘里堅使苻方戍驪山
苻暉苻琳將兵五萬冲以婦人乘牛揭竿搥塵率衆
攻暉于鄭西暉出戰敗走書曰苻堅敗績自是冲逼
長安苻愔字方回司空鑒之子也襲封南昌公官至
江東五郡都督徵拜司空愔固辭不就薨謚曰文穆

不書謚者略之也謝玄及桓石虔高茂趙遷諸軍北
伐玄遣劉牢之攻兗州克鄆城秦刺史張崇奔于慕
容垂于是牢之據鄆城書謝玄都督指蹤之功也苻
朗字元達堅從兄子也為青州刺史遣使詣謝玄來
降授散騎侍郎著苻子老
莊之流也呂光字世明氐人也事苻
堅討西域平龜茲高昌還至涼州因居姑臧聞苻堅
死哀號三軍縞素大臨于是自稱大都督隴右河西
諸軍事

經太元十年春帝正月二月蜀將任權平益州三月
陽鄭爨來降夏四月苻宏來奔秋八月太保文靖公謝
安薨姚萇殺苻堅九月苻丕僭位于晉陽冬十月乞伏
國仁稱大單于秦河二州牧

傳曰任權為蜀郡太守斬秦刺史李平故書平益州
鄭爨來降稱人無官也苻宏者堅太子也堅為慕容
冲所逼出奔五將山宏來降晉晉處之于江州苻宏
不書官亡國窮寇也謝安字安石年四十始為桓溫

司馬遷吳興太守入遷侍中簡文崩桓溫入赴山陵
將移晉室呼安及王坦之坦之汗流倒執手版安從
容謂溫曰明公何須壁後置人耶溫笑語移時桓溫
死安總關中事孝武朝為中書堅之次淮淝安遣其
弟石兄子玄等破堅以總統功拜太保上疏求北征
都督十五州假黃鉞性好音樂及登台輔暮喪不廢
樂出鎮廣陵然東山之志始末不渝薨年六十六謚
曰文靖苻堅奔五將山姚萇圍執之求國璽于堅堅

曰小羗敢逼天子五運次序無汝羗名罵以求死
萇縶堅于新平佛寺書姚萇殺苻堅羗氏相殺兩同常
人耳苻丕者堅長子也鎮襄鄴聞堅死據晉陽以張
蚝為侍中王永為尚書令苻冲為僕射改元曰太安
僭尊號乞伏國仁鮮卑人也居勇士川壽春之役為
苻堅前鋒及堅敗也國仁集諸部十餘萬自稱單于
秦河二州牧以乙旃音湟為左相以屋引出支為右
相置天水洛陽等十二郡築勇士城居之號西秦

經太元十一年春帝正月慕容垂僭位于中山許木末

殺慕容冲

無傳

夏四月封百濟餘暉為王代王拓跋珪始

稱魏秋八月封孔靖之為奉聖侯將軍朱序擊翟遼走之

冬十月慕容垂破苻丕於河東

無傳

十一月苻登僭位于

隴東

傳曰慕容垂字道明皀子也及偽僭號封垂為吳王

鎮信都敗桓溫於枋頭名始振慕容評忌之垂奔苻

堅堅大喜郊迎意欲圖慕容暉及堅擒暉以垂南伐

垂軍獨全其子寶言于垂曰今天厭亂德凶衆土崩
可因而取之垂曰且縱令北還更待其隙後據鄴都
即位于中山百濟國高句驪屬也世持節為鎮東將
軍其子餘暉嗣立為王東晉命代王自太康中郝散
猛猗盧而後世居代北至是拓跋珪始居中華故稱
魏戎始變華也孔靖之魯聖之後也漢故以孔霸封褒
成君至魏文帝詔孔羨為崇聖侯孔震為奉聖亭侯
至是以靖之襲封禮也丁零翟遼反朱序遣將軍秦膺

擊之遼走凡敵敗曰敗之降曰降之敵遁曰走之以死從事曰死之此舊史文也符登字文高堅之族孫也符丕為晉將馮該所斬而登自狄道起兵衆立為主隴東秦州地登于軍立堅神主載以輜輶羽葆青蓋建黃旗引軍乃告神主曰維曾孫皇帝臣登今以大皇帝之靈恭踐寶位昔五將之難賊羗肆害于聖躬登之罪也今合義師造虜庭奮不顧命為期因歛歔流涕將士感慟皆刻牟鎧為死休字示以戰死登

以長稍勾刃為方圓大陣知有厚薄從中分配故人
人自為戰所向無敵攻虜泉堡姚萇救之密遣詐為
內應以招登許開門納之登以為然有雷惡地馳諫
登曰姚萇多計必為姦變宜思之登乃止萇聞惡地
詣登謂諸將曰此羗多奸智今詣登矣吾事必不成
登聞萇懸門待之驚曰幾為賢子所誤

經太元十二年帝正月翟遼遣其子釗寇陳穎夏四月
盜執高平太守徐含遠六月束帛聘戴逵龔玄之秋八

月立皇子德宗為太子冬十一月王遐之討翟遼敗之
傳曰翟遼者丁零翟斌之後也父真與苻丕內外相
應為鮮于乞所殺遼奔黎陽遣子釗南寇至陳穎朱
序擊走之高平翟暢者執其太守徐含遠以郡降翟
遼書盜微之也戴逵字安道譙人也博學好談論能
鼓琴攻書畫少時以雞卵汁溲白瓦屑作鄭玄碑自
鐫之武陵王晞召逵鼓琴逵不從曰不為王門伶人
也後居會稽剡縣嘗著論曰儒家尚譽本以興賢也

既失其本則有色取之行以容貌相欺至于末偽道
家去名者欲以篤實也苟失其本則有越檢之行情
禮俱虧至于本薄夫偽薄者非二本之失而為弊者
必託二本以自通夫道有常經而弊無常情苟乖其
本聖賢所無奈何其高論大率如此龔玄之字道玄
武陵人也好學安于陋巷帝下詔曰哲王御世必搜
揚幽隱故空谷流縈維之詠丘園旅束帛之觀譙武
戴龔並高其操學弘儒業並以散騎常侍備禮發遣

皆不就君子謂江左固多高雅之士雖世勤干戈國步艱蹙而道風常在王遐之松滋太守也討翟遼於洛口敗之

經太元十三年春帝正月夏四月譙敬王恬鎮青兗六月乞伏乾歸僭號河南王秋九月翟遼寇洛陽冬十二月尚書令謝石卒

傳曰譙敬王恬剛王遜孫也忠正有幹局宗臣之勲望也都督假節重新任也乞伏乾歸者國仁之弟也

太元十年竊據秦河是年卒衆立其弟乾歸遷居金城僭號翟遼寇洛陽河南太守郭給拒破之謝石字石奴安之弟也無他才特以破苻堅功遂居清顯聚飲無厭取譏當世不書薨貶其非公輔之任也

經太元十四年春帝正月將軍劉牢之平妖賊劉黎二月呂光僭號三河王翟遼寇滎陽夏六月都督桓石虔卒秋七月宣陽門災冬十一月乙巳雨水冰

傳曰彭城賊劉黎僭稱皇帝于皇丘劉牢之討平

之呂光字世明氏人也太元九年據河右至是僭號
改元太安翟遼攻滎陽執我太守張卓桓石虔小字
鎮惡從桓冲入關冲為苻健所圖石虔躍馬拔冲于
萬衆之中而還三軍歎服威震敵人時有患瘡者言
桓石虔來以怖之病愈人畏如此與苻堅將閭震戰
俘萬人獲馬千匹裝鎧三百進據樊城移鎮馬頭至
歷陽而卒宣陽門四柱灾宣陽朝門天火曰灾也雨
木冰劉歆說陽不下通陰不上達故雨而木為之冰

霧氣寒木不曲直也劉向以為冰者陰之盛木者少陽貴臣卿大夫之象也此時有害則陰氣脇陽大木先寒故雨木冰

經太元十五年帝正月譙敬王恬薨劉牢之及翟釗戰于太山走之將軍朱序破慕容永於太行三月乙酉朔地震秋八月將軍朱序破翟釗於懷縣

傳曰譙敬王恬字元愉嘗為中丞簡文初立未解嚴而桓溫屯中堂吹警角恬劾奏溫大不敬溫聞奏歎

曰此兒敢彈我真可畏也在朝皆憚之授鎮北將軍
薨謚曰敬劉牢之以驍猛應選初為謝玄叅軍鎮北
府兵敵人畏之慕容垂叛將翟釗救苻堅將張遇於
太山擊走之慕容永向洛陽朱序自河陰北濟與永
將王次相遇戰於沁水次敗走斬其將勿支首追永
破之于太行乙酉地震羣小弄權天下側目也朱序
既追慕容永至上黨白水相持三旬乃還攻翟釗於
石門遣別將擊翟遼于懷縣走之

經太元十六年春帝正月慕容永寇洛陽夏四月秋七月改築新廟成冬十一月姚萇擊苻登於安定

傳曰楊佺期為河南太守城洛陽慕容永來寇佺期擊走之改作太廟正室十四間東西儲各一間合十六間棟高八丈四尺備法駕迎神主于行廟設脯醢之奠姚萇退還安定苻登圍之四面大哭哀聲動人萇惡之乃命三軍亦哭應登登乃引退萇以登頻戰輒勝以謂堅神有靈亦於軍中立堅神主請之曰新

平之禍非萇之罪也臣兄襄假路求西暫見鄉里陛下使人要路拒擊之不遂而沒使臣行殺非臣之罪也今苻登末族尚欲復讎臣為兄報怨情理何負陛下雖過世為神豈假手于苻登而圖臣耶陛下勿計臣過登升樓遙謂萇曰安有弑君而反立神象萇不應乃斬神象首以送登連戰而萇屢敗

經太元十七年春帝正月大赦除逋租宿債夏四月齊內史蔣詒反秋八月新作東宮冬十月丁酉太白晝見

辛亥都督王忱卒庚寅封琅邪王道子為會稽王封皇子德文為琅邪王大旱

傳曰大赦除逋租救弊之權也齊將詰殺樂安太守辟閭濬據青州反平原太守辟閭渾討平之太白晝見按星經云與日爭明強國必弱小國必強女主昌王忱字元達父禕之尚潯陽公主忱是其幼子也恃才放酒效王澄之為人鎮州威風肅然深得物情末年嗜酒連月不醒卒於官謚曰穆會稽王道子琅邪

孝王之後也累遷至丞相皇子德文封琅邪重祖藩
也道子徙封會稽杜僭亂也大旱不書月日者自秋
至冬不雨其旱可知矣

經太元十八年春帝正月癸卯地震夏六月始興三郡
大水秋七月旱冬十月姚萇死子興立

傳曰癸卯地震乙未又地震是會稽王道子與帝荒
怠政事信用小人之應也始興南康廬陵三郡大水
深五丈漂害民甚也秋七月旱者境內諸郡不雨傷

稼也姚萇死于長安召太尉姚弋僕射尹緯尚書狄
伯支受遺輔政謂其子興曰有毀此人者慎勿聽之
汝當撫骨肉以仁接大臣以禮待物以信遇民以恩
乃死興嗣位秘不發喪乃以叔父緒鎮安定碩德鎮
陰密弟崇守長安以尹緯為長史狄伯支為司馬興
自稱大將軍率衆伐苻登苻登大敗興乃發喪行服
僭即位于槐里

經太元十九年春帝正月夏六月壬子追尊鄭妃為皇

太后秋七月荆徐大水八月尊太妃李氏為皇太后慕容垂冠廩丘姚興殺苻登

傳曰鄭太后諱阿春父愷為安豐太守后少孤元帝為琅邪王時納為夫人生簡文帝潯陽公主至是下詔曰會稽太妃文母之德徽音有融載誕聖明光延于晉先帝追尊聖后朝議不行朕今依陽秋及二漢故事上太妃尊號簡文宣太后于是立廟于太廟西禮也荊州大水傷秋稼遣使賑恤之太妃李氏者簡

文為會稽王時使卜人筮之織坊中得李氏形長黑色宮人目為崑崙帝召侍寢生孝武帝及會稽王德文至是會稽王道子啓曰母以子貴皇太妃啟嘉祚於聖明嗣徽音於上列宜詳繁舊典崇正名號八月辛巳帝臨軒遣太保劉耽尊為太皇后祔神主于宣太后宜也慕容垂曰吾不以逆賊累子孫乃發步騎七萬攻永弟友于晉陽垂別將慕容農入自壺關永杜大行軹關垂進師天井關至壺壁永精騎五萬阻

河西以自固垂陣于壺壁南遣別將分為二翼又設
伏于深澗大戰垂引軍偽退永追奔數里伏兵斷後
二翼夾擊之永大敗奔長子園之永奔北門擒獲斬
之既平晉陽乘勝遣其子惡奴寇廩丘東平太守韋
簡及垂將尹國戰死之姚萇死苻登聞之喜曰姚興
小兒吾將折杖以笞之于是盡衆而東為興所敗登
奔平涼興追而殺之

經太元二十年春帝正月尚書令陸納卒三月庚辰朔

日有蝕之夏四月秋七月冬十一月魏王拓跋珪伐慕容寶于泰谷敗之

傳曰陸納字祖言玩之子也少有清操嘗為吳興太守至姑孰辭桓溫因問溫飲酒曰飲三升便醉卿飲如何納曰可二升於是邀溫一醉王坦之刁彞在坐惟酒一斗鹿肉一柈坐客愕然納曰明公之飲三升納可二升今有一斗以備盃酌餘瀝耳納至郡不受俸祿久之徵拜左民尚書臨發惟有被襪而已餘並

還官遷吏部尚書謝安詣納設茶果而已俄轉尚書
令貞固不渝尋卒庚辰日蝕帝昏淫之應也慕容寶
者垂子也既平晉陽乘勝討魏魏徙河西以避之寶
次參合參合陂也是夜魏師潛至寶軍奔潰寶與慕容農
復舉兵走天門踰青山襲魏平城陷之寶至雲中魏
來攻寶大敗之

經太元二十一年春帝正月夏四月慕容垂死子寶嗣
位六月吕光僭王秋九月庚申帝醉自崩

傳曰慕容寶伐魏至雲中聞父垂死遺令謂寶曰強
寇伺隙秘勿發喪至京然後行服寶乃即位呂光既
平西域至高昌乃稱天王改元飛龍帝崩年三十五
溺于酒色多為長夜之飲長星見帝于華林園以酒
祝之曰長星勸汝一盃酒自古豈有萬歲天子耶連
年水旱災變帝無醒日旁無正人竟不能自改所幸
張貴人帝戲之曰汝以年當廢矣貴人怒是夕帝醉
暴崩時會稽王道子亦昏惑竟不推其罪書曰帝醉

自崩言非天乃自殞爾

元經卷六